

Razif nafi laksana hudud



Ahmad Razif (tengah) sewaktu merasmikan majlis pecah tanah di Kuala Nerus, semalam.

Dakwa kenyataannya dimanipulasi pihak tertentu

FARAH SHAZWANI ALI

KUALA TERENGGANU

Menteri Besar, Datuk Seri Ahmad Razif Abd Rahman menafikan laporan sebuah portal yang menyatakan pentadbiran kerajaan negeri kini dalam proses pelaksanaan hukum hudud.

Beliau sebaliknya berkata, kenyataannya itu tidak bermaksud Terengganu akan melaksanakan hudud.

Menurut Ahmad Razif, dia tidak boleh membuat keputusan itu (laksana hudud) kerana ia perlu datang dari pada kepimpinan tertinggi kerajaan, memandangkan mereka berpegang kepada konsensus iaitu keputusan bersama.

"Tapi saya menceritakan bahawa tiada masalah untuk saya, kerana kita sendiri sebelum ini telah pun bersama-sama bersetuju kalau nak melaksanakan tapi dengan syarat, penerimaan oleh semua pihak.

"Tapi tular hari ini (semalam) oleh pihak yang tidak bertanggungjawab yang nak supaya berlaku per-

pecahan antara kita, antara orang Islam dan bukan Islam, ini merupakan satu sifat yang tidak baik. Nanti berjumalah di padang Mahsyar, orang yang menulis ini. Jangan adu domba orang, sebab nak suruh antara bukan Melayu marah kepada saya bahawa Menteri Besar Terengganu nak buat hudud di Terengganu.

"Bila saya kata? Saya akan minta unit perundangan tengok balik, kita akan saman.

Kerana saya tak kata pun Terengganu akan buat hudud, jangan manipulasikan kenyataan saya dan jangan cuba nak hancurkan negeri dan negara kita dengan membuat fitnah yang tidak betul," katanya ketika berucap pada Majlis Pecah

T a n a h Perumahan S P N B Idaman dan P e c a h T a n a h R u m a h M a m p u M i l i k Kampung Tok Jembal di Tapak Perumahan SPNB di Kuala Nerus, semalam.

Portal itu mendakwa Ahmad Razif menyatakan kerajaan negeri tidak ada masalah untuk melaksanakan sistem perundangan Islam berkenaan.

Ahmad Razif menjelaskan, kerajaan negeri bersedia laksanakannya, tapi yang pastinya BN akan menghorangi keputusan semua parti komponen.

"Bila nak laksanakan, kita mesti dapatkan persetujuan tetapi di pihak Umno Terengganu, kita tidak ada masalah.

"Kita setuju tetapi kita tetap berpegang kepada prinsip, parti komponen dan BN, maknanya kita akan dengar pandangan mereka dan akhirnya keputusan yang dibuat hasil perbincangan.

"Cuma, yang saya nak beritahu pernah ada dalam sejarah, telah berlaku hukuman.

"Bukannya hudud dijalankan tetapi hukuman di antara hudud itu luas," katanya.



Kelmarin, sebuah portal melaporkan Ahmad Razif mengakui pentadbiran kerajaan negeri itu kini dalam